

КИРОВЕЦ

УАССР, Тыловай ВКП(б) Райкомлэн но Райисполкомлэн органы

5 мае 1937 арын | № 32 | 3-тй арзэ потэ

5 мае—День печати праздник

5 мае—большевистской печатьлэн праздник. Советской Союзын та праздник „День печати“ шуиське. День печати праздник асьмелэн арлы быдэ ортче. День печати—данлыко политической массовой кампани. Отын печатнын ужасьёс гинэ участие принимать уг каро, вань партия, комсомольской, профсоюзной организациос, сельсовет'ёс, вань общественной организациос но асьме родинаысьтымы миллионэн лыд'ясыкыс ужаса улысьёс, день печати нуналэз ортытоннын активно участи принимать каро.

Большевистской печать—со ужаса улысьёслэн асьсэлэн печатнысь. Озы ик, кызы ке асьмелэсь коммунист партиямес ужасьёс но крестьян'ёс ярато, Ленинлэсь-Сталинлэсь партиязлэсь печатсэ но ужаса улысьёс ярато. Коммунист партиалэн но большевистской печатлэн задачаоссы одыгкандь.

Буржуазной газет'ёслы ужаса улысьёс оз оскылэ. „Газет'ёс пöяло“ шуса—вуж проклятой эксэй дырря чем ужасьёс вераллязы. Зэм ик буржуазной газет'ёс ужаса улысь калыкез пöялляз, йырвизьзэ суралляз.

Асьмелэн Советской печатнымы Октябрьской социалистической революцилэн бад'зым завоеваниез луэ.

1913 аре Россияын 859 газет потыса, тиражез 2 миллион но 700 сюрс вал.

Нош 1936 аре Совето Союзын 9 сюрслэсь но трос газет'ёс потызы, газетлэн разовой тиражез 37 миллион экземплярлэсь но трос.

Со газет'ёс пöлысь тросэз завод'ёсын, район'ёсын пото. Со сяна, вань колхоз'ёсын, предприятиосын, учреждениосын стенной газет'ёс пото. Асьме газет'ёсын 3 миллионлэсь но трос рабселькор'ёс участвоват каро. Нош рабселькор'ёс газет пыртй социализм лэсьтонын туж кужмо юрто.

Арлы быдэ день печатиез ортыт'яны дас одыгетй парти с'ездысен асьмелэн кутскизы. Со с'езд пунктз 1922 аре 5 мае всероссийской день печати ну-

нал ортытыны. 1922 аре 5 мае „Правда“ газетлэн кылдэмез тырысь дас ар'ем годовщиназэ отметить каризы.

Нош туэ День печати нуналэ—5 мае 1937 аре—„Правда“ газетлы кызы вить ар тырме.

Туэ День печати исключительно политической обстановка дырря ортче. Советской страна выль избирательной система'я совет'ёсты бырйыны дасяське.

Соин ик, коть кудыз стенгазетын ужась селькор День печати нуналэз ортытон дырря эскероно луо, кызы Сталинской Конституцияын верам'я ужзэс перестроить каро. Самокритикаез но критикаез паськытатыса, ас аязд уж пуктоно, кызы стенной газет'ёс но селькор'ё; СССР-лэсь основной законэз быдэстон ужын ужало, кызы соос законэз тйясьёсын нюрьясько.

Учконо, кызы стенной газет'ёс, селькор'ёс Сталинской сельско-хозяйственной артель уставез тйясьёсын нюрьясько. Совет'ёслэн бырйиськонзылы дасяськон вакытэ, классовой тушмон'ёс али асьмелы пумит тушмоно агитаци нуо. Учконо, классовой тушмон'ёслы пумит уж нуо-а газет'ёс, селькор'ёс? Соосты разоблачить каро-а газет'ёс, селькор'ёс?

Колхоз'ёсын День печати нуналэз ортытоно озы, чтобы стенгазет'ёслэсь, селькор'ёслэсь тырмымтэ интыоссэ шарае поттоно, лек критика улэ шедьтоно. День печати селькор'ёслэсь, газетын ужасьёслэсь революционной бдительностьсэ эшшо но вылэ мед жутоз.

День печати нуналэ стенгазетлэн редакторез ас ужомез сярись доклад лэсьтыкуз, ачиз аслэсьтыз ляб уж'ёссэ самокритика вамен шарае мед поттоз. День печати нуналэз ортытоно озы, чтобы коть кудаз колхозын, бригадаын стенной газет'ёс вискарытэк мед потозы. Тулыс кизён ужын но мукет уж'ёсын вань газет'ёсты бад'зым орудие пöрмытоно. Со понна, первичной партийной, комсомольской организациос, коммунист'ёс, комсомолец'ёс ласянь газет'ёсын, селькор'ёсын кивалтонэз кужмо пуктоно.

Газет волдонэз куашкато

Шудзялуд сельсоветысь сельписьмоносц Кильдибеков, газет волдон укез куашкатэ. Районной „Кировец“ газетэз быдэс сельсоветын 35 номер гинэ басьто. Колхозник'ёс но колхозницаос пöлын Кильдибеков массовой валэктон уж уг нуы. Газет басытон сярись солэн собраниосын вераськемез ик овёл. Тини сыче ляб ужомон, Шудзялуд сельсо-

ветын газет волдон уж куашкатын,

Бородуль сельсоветын но газет волдон уж сыче ик ляб пунктэмын. Сельписьмоносц Ширококов газет волдон ужын туж ляб ужа. Сельсоветын дасо номер сяна „Кировец“ газетэз уг басьто. Озы ик сельсоветысь культсекциос но газет волдонэз палэнэ кельто.

Михайлов

Тракторной парк чидантэм ляб ужа

МТС-лэн 49 тракторез колхоз бусыосын ужало. Та трактор'ёсты зэмзэ ик боевой кужымен уже кутано ке, туж трос гыремын луыны кулэ ни вал. Нош та нуналлы 1169 га сяна овёл гыремын. Тракторной бригадаос соцсоревнование ляб пыриськызы, стахановской методэз уже жотрак уг пырто. Быдэс тракторной паркез басытыса, укмыс тракторист'ёс гинэ стахановской амалэн ужало инй, куд'ёсты та газетамы ивортиськомы. Тужгес ик Мироновлэн, Ложкинлэн, Лимоновлэн, Тепляшинлэн, Палинлэн бригадаос сы бере кылэ. Соос кызыны потэм тырысь 32 гаысен 58 гаозь гинэ гыризы инй.

Таче ужлэн каллен мынэмез, кизёнлэсь политической данлыкэс валантэмез возматэ.

Первой бригадаысь куинез трактор'ёс сёриськыса ньыль нунал ужатэк уло шуса ивортэмын ни. Со трактор'ёс кыкез али но ёскадь уг ужало, ялам ремонтировать карем каро. Тракторной бригадир Ложкин юса улэ, юзм йырыныз ваньзэ но со трактор'ёсты тйялоз.

МТС-лэн дирекциез Васильевез первой бригадае бригадире назначить кариз, нош Ложкин Васильевлы помощике каремын. Васильевлэн ужамез уг луы, Ложкин солы оло кызы но люкетэ. Озы ик 14 бригадаын кыктэтйзэ нуналэз трактор уг ужа, ускорителез тйяськемын. Та бригадалэн бригадирез Лимонов уже н ярантэм кивалтэ, ужын бере кыле, стахановской методэз уже пыртыны уг ик сюлмаськы, татын тракторист'ёс нор-

мазэс уг быдэс'яло. 13 бригадаын трактор'ёс бордысь плуг'ёссы сёриськызы, быдэс нунал ремонтировать карыны выризы: МТС-лэн дирекциез походной ремонтно-мастерской организовать каром шуиз, со шуэм кылын гинэ ортче, мастерской организовать карымтэ.

Колхоз'ёсысь МТС-э горючай басыны лыкто ке, невтебазалэн заведующеоз Князев горючай сётытэк колхозник'ёсты берлань келя. озы лэсьтэм уж нокытчы ярантэм луэ.

Тракторной бригадаосын тракторист'ёс пöлын полит-массовой ужез кужмоатано. МТС-лэн директорезлы тракторной бригадаосын конкретно, оперативно кивалтонэз пуктоно. Трактор'ёс сылон, тйяськон дырря жегатскытэк тупатано, уже кутано.

Стахановец'ёслэсь ужаны дышетске

Васильева Надежда трактористска смена куспын 9,50 га гыриз.

Андреева Наталья трактористска смена куспын 9,75 га гыриз.

Бахтин Егор тракторист смена куспын 11,15 га гыриз.

Чунарев Алексей тракторист смена куспын 8,50 га гыриз.

Князев Захар гусеничной тракторен смена куспын 17 га гыриз.

Андреев Василий тракторист смена куспын 7,65 га гыриз.

Иванова Мария трактористска смена куспын 6,76 га гыриз.

Вылй верам тракторист'ёс сёры **Загуляева Мария** но **Перевозчинова Райиса** уисько, соос быдэн 5,11 га но 5,33 га смена куспын гыризы.

Трактор тйясьёслы Чурыт ужрад кутано

Итинск сельсоветын Палинлэн тракторной бригадаез но кыче ответственностьтэк ужа. Смена куспын тракторлы быдэ шорокуспо вераса 3 га гинэ гыро. Гыремзылэн зечлыкэз чиданы луонтэм улын, горючайзэ: шыр'яны уг быгато. Массовой—валэктон уж тракторист'ёс пушкын пуктымтэ, та дырозь одыг номер гинэ бордгазет поттэмын, газетлэн редакторез Рубцов бордгазетлэсь рользэ пичи ужез лыд'я. Трудовой дисциплина тракторист'ёс пöлын нокытчы ярантэм пунктэмын, трактор'ёсты умой, чылкыт возён но тйянтэм выльсь ужан пуктымтэ. Та бригадаын тракторист'ёс ответст-

венностьтэк ужало. Тани, Максимов Леонид но Нетелева Василиса тракторист'ёс трактор вылэ трактор мынйтйзы, тракторез оgez тйязы, ог 200 манетлы убытка лэсьтэмын но трактор'ёсты ужанын жегатэмын.

Максимовлэн но Нетелевалэн урод ужзы понна бригадир Палин но ответственность нуыны кулэ, нош урод ке но ужало, соослы чурыт ужрад кутытэк но яралоз—шунса Палин вераське. МТС дирекци ласянь трактор'ёсты тйясьёслы Максимовлы но Нетелевалы чурыт ужрад кутано.

Е. Н.

Вань Райком'ёслы но Райисполком'ёслы

Продовольственной ссудаез колхозник'ёслы сётон ас йбназ мыня, со бордысен тросэз колхоз правлениос злоупотреблять каро, грубой искажени лэсьто, со уже уравниловкаез пырто. Каждой колхозысь ссуда люконеэ эскероно, ужын норма выработкаез быдэстйсь но зеч ужась колхозник'ёсты учетэ басытэ, соосты продовольственной ссудаен обеспечить каре, кизён выль выл дасян но сое гырон, торф дасян, мульчировать карон, ву киськанлы дасяськон уж'ёсы мйы калыкез но подросток'ёсты привлекать каре, колхозник'ёсын продовольственной ссудаез басытэм маеке, трудоденьлэн счэтэз авансэн сётэмын шуса запись тупатэ.

Совнарном **ИВАНОВ**.
Обном **БЕРМАН**.

Дудырев ссудаез вуза

В—Кыч сельсоветысь „Трактор“ колхозлэн председателез Дудырев государстволэсь продовольственной сётэм ссудаез 5 пуд вузаз. Коньдонзэ аслыз килултйз. Куд-огез колхозник'ёс

нянь понна ёрмо, нош Дудырев колхозник'ёс понна ичи сюлмаське.

Ссудаез вузам понназ, прокуратура ласянь ужрад кутано **Денисов**.

Стахановец'ёслы преми сетэмын

Ст.-Кыч сельсоветын нылкышно тракторной бригада тулыс кизёнлэсь политической данлыкэс умой валаз. Татын смена куспын шорлыко вераса 8 гектар тракторлы быдэ гыро, горючайзэс экономить карыны быгато. Кылсярись Перевозчикова Райиса сменае 9,76 га гыре, Васильева Надежда смена куспын 9 га гырыса, 44 килограмм горючез шыр'яз. Гырон нормазэс быдэстонэн 40ш ик, зечлыкэз'я но чебер гыро. Та тракторной бригадаын бордгазет умой потэ, газет ужлэсь азинлыкэс жутыны бад'зым орудие луэ. Тракторной отрядлэн бригадирез Бородулин эш сюлэмзэ поныса, тракторной ужез умой кивалтэ.

Верам бригадаысь стахановской амалэн ужась тракторист Васильева Надежда, Андреева Надежда но Ложкина Анна МТС-лэн дирекциеныз дуно вуз'ёсын премировать каремын.

Бородулин эшлэн бригадаез вакчи дырын, зечлыко тулыс кизёнэз быдэстыны выльсь ужа. Та бригадаын тракторист'ёс куспазы 40шаткыса ужало.

Елькин

Тракторной парклэн тулыс гыремез

Бригадаос лэн номеры	Бригадир'ёслэн фамилияоссы	Гыремын
1	Васильев	103
2	Перевозчиков	57,71
3	Просвернин	61
4	Шестерников	76,46
5	Палин	58,84
6	Кожевников	63
7	Роготнев	121
8	З у е в	109,62
9	Никитин	86
10	Миронов	32,63
11	Ложкин	39,55
12	Тепляшин	54
13	Харламов	94
14	Лимонов	44
15	Бородулин	171
	Ваньмыз	1169

Кизен ужлан мынэмез сярэнь Райсполкомлэн 1937 аге 2 мае пунктэмез

Кизён ужен кивалтон но урожайносез жутон выльсь ужан интые, 1 мае колхоз'ёсын ужан интые, куд-огез специалист'ёс юон выль чолскизы: Мелиоратор Никитин „Якорь“ но „Красный труд“ колхоз'ёсы кизёнэз ортчытыны юрттыны юнатэмьн та колхоз'ёсын 25 апрельсен со одйг пол гинэ вал, райцентрын юса нуналэз ортчытэ ужен организовать каронын но урожайносез жутоньн колхоз'ёслы ноқыче юртэт өз сёты. „Якорь“ колхозлэн председателез Калинин (кытын Никитин юнатэмьн) 1 мае организованно коллективно пьянка ортчытэ, кизёнэз куштыса, вань пиосын Тыловае юны лыктызы. Озы со кизёнэз куашкатон выльсь саботаж организовать кариз, соин сэрэн кизёнлэсь мынонэз куашкатыз.

Райзолэн плановикез Сокоиков 1 мае колхоз'ёсы кизён ужен юрттыны мынон интые, сознаниэз быдтычоуж юыса, сельполэн столоваяз порядоксэ нарушит кариз—хулиганить кариз.

Райзолэн старшой агрономез Русских но МТС-лэн старшой агрономез Стрелкова, тулыс кизёнлэсь данлыксэ өз валалэ, колхоз'ёслы юрттыны сельско-хозяйственной специалист'ёсты мобилизовать өз каре. Нырысь ик асьйос колхоз'ёсысь Тыловае лыктыса, мукет агроном'ёслы Тыловае лыктыны лыктытэ дуиз.

Райсполкомлэсь председателэз воштысь Шульмин.
Райсполкомлэн секретарез Белослудцев.

Кизёнэз—юса улонэн вошто

Зюзя сельсоветысь „Пролетарий“ колхоз 24 гектар но „Борец“ колхоз 25 гектар гинэ кизизы инй. Та колхоз'ёсын кизён уж ярантэм ляб мынэ. Кыкнаяз ик колхоз'ёсын председателэс Кожевников Кирилл но Иванов дырзэс юса ортчыто, ужен конкретно, оперативно уг кивалто. Кожевников но Иванов кизён ужлэсь одно ик данлыксэ өвёл валаллям, кизён ужен возыттэк куашкато.

Данлыко кизёнэз но урожайносез жутонэз юса улонэн вошто. Гырон, кизёнэз, ас йоназ лэземен сэрэн, зечлыкэз'я уж умой уг мыны. „Пролетарий“ колхозын качественной комиссия уг ужа. Иванов юса улонназ тракторлы горючой дыраз уг вутты, 3 мае лумбыт трактор сылыз. Кин озы ужаны Ивановлы право сётэз?

Кизёнэз жегатон выльсь ужало

Уйвай сельсоветысь Ворошилово нимо колхозысь колхозник'ёс Перовошиков Илья но Васильев Иван 22 апреле гырыны өз мынэ, ульчае потыса колхозник'ёсты „малы гырыны мынйськоды“ шуся даллашыны кутскизы. Соос колхозын производствоз куашкатон выльсь ужамысь уг дугдыло. Колхоз правлени ласянь но сыче саботажник'ёслы пезьдэт уг сётйськы.

Продавец пегаса улэ

Итинск ларёкысь продавец Соборов Иосиф кизён азель ужен перестроить өз кары. Вис карытэк кизисьёслы вузэз вузан интые, со вань ужзэ куштыса, ларёксэ пытаса Тыловае пегыса куинь нунал

Кизёнэз жегатисьес

Охан сельсоветысь „Токарь“ колхоз кизёнэз жегатэ. 2 май-озь ваньмыз 4 га гинэ кизе-мын. Сыче ужен ляб организовывать карем тгдмо. Колхозын безхозяйственность, конюх'ёс вал сюдон фуражез лучкало, вал'ёсты урод судо, вал'ёс гырыны уг чидало. Колхозлэн председателэз Силин продовольственной ссудаз тгдмоосыды люке. Силин Петр ссуда бастэ но 80 манетэн вуза, колхозлэн счетоводэз Каракулов озы ик ссуда бастэно вуза. Силин.

улэ инй. Соборов парти членлэн кандидатэз луэ, сыче действеиз понна первичной партийной организаци ласянь но Зюзя сельпо ласянь чурьт уждрад кутонэ.

Кунавин.

Народной хозяйстволэн куйньмети пятилетний планэз сярэнь СССР-лэн Народной Комиссар'ёсылэн Советсылэн пунктэмез

Народной хозяйстволэн важнейшой отрасльсэз'я кыктэтй пятилеткалэн планэз дырызлэсь азло быдэстэмьн. Нимаз ик вераса, СССР-лэн промышленностез'я быдэсак бастыса, план 1937 арлэн 1 апрелезяз быдэстэмьн, мукет сямен вераса, 9 толэзлы дырызлэсь азло быдэстэмьн. Нош чугуун сюрес транспортлэн перевозкоосыз'я 1937 арлэн 1 январозяз 7,7 процентлы мультэсэн быдэстэмьн, мукет сямен вераса, арлэсь но траслы дырызлэсь азло тырмытэмьн. Тйни со пумысен ик СССР-лэн Народной Комиссар'ёсылэн Советэз пунктэ:

1. Государственной Плановой Комиссииез но СССР-лэсь народной комиссариатсэ, озы ик союзной республикаослэсь народной комиссар'ёсылэсь Совет'ёссэс народной хозяйстволэн куйньметй пятилетней план лэсьтонэз быдэстэмьн но сое СССР-лэн народной комиссар'ёсылэн Советазы юнматыны выльсь 1937 арын 1 июлэз сётыны косоно.

2. Куйньметй пятилетней планлэсь вопрос'ёссэ обсудить каронэз печать вамен вёлмытоно.

СССР-лэн Народной Комиссар'ёсылэн Советсылэн председателэз В. МОЛОТОВ.
СССР-лэн Народной Комиссар'ёсылэн Советсылэн управделяз М. АРБУЗОВ.

Селькор гожтэт'ёслы бюрократизмо учконлы пум поново

Районной газет „Кировец“ ас страницаосаз коть мар уж'ёс сярэнь селькор'ёслэсь гожтэт'ёссэс поттылэ. Селькор материал'ёс огшоры лыдзён, учкон понна гинэ уг потогазетэ поттэм материал'ёс организациослэн кивалтисьёслы факт'я эскерыса, уждрад кутыса редакция ивортоно. Нош ужвылын уно дыр'я озы уг луы. Номерысь номере „Кировец“ газетэ селькор материал'ёс потог, редакция организациослэсь кивалтисьёссэ тодозы уськытэ—газетэ потэм материал чурьт уждрад кутэ шуся. Озы но организациослэн кивалтисьёссы уждрад уг кучко, бюрократизмо со ужлы учко.

Тани, Райзое 19—20 мартэ газетэ потэм селькор гожтэт'ёс ыстэмьн. Райзолэн заведующоюз Шульмин али но редакцияе ответ өз сёты. 19—20 мартэ ик исполкомлэн президиумаз газетэ потэм селькор гожтэт'ёс ыстэмьн, редакция али но ответ өз бастыты, президиумлэн огвадэслы секретарез Черепанов гожтэт'ёсты оло кытчы ыштэз. Озы ик селькор гожтэт'ёс'я прокурор Перовошиков, РОНО-лэн заведующоюз Иванов, профуполномоченной Максимов ноқыче но уждрад уг кучко.

Селькор гожтэт'ёслы бюрократизмо учконлы пум поново. Бюрократизмо амалэн ужас'ёслы чурьт уждрад кучконо.

Пинал'ёсты дышетско-лэсь жегато

Итинской сельсоветысь „На-страже“ колхозлэн председателэз Жданов Алексей пинал'ёсты дышетон понна уг сьлмаськы. „На страже“ колхозысь дас мурт дышетско ке вад, али куйнь мурт гинэ дышетскыны ветло. Дышетскысь пинал'ёсты дышетскыны истон интые, соосты оло кбче уж'ёсы но ыстэ, умой колхозник'ёсты сыче ик ваньэз уже уг кучты.

Соболев.

Мойносты дышетонэн уг нивалто

Бородуль сельсоветын „Победа“ колхозын мойносты дышетон уж урод пунктэмьн. Толбыт дыштыса одйг мурт но ликпунктысь дыштыса поттэмьн өвёл. Мойносты дышетон ужен сельсоветлэн председателэз Казиков но колхоз предеателэз Галичанин уг кивалто. Озы ик дышетисьёс но ляб ужазы. Али мойносты дышетон чик уг мыны.

А. А.

Облигациосыз вош'яны дыртылэ

Азлы ар'ёсы поттэм государственной заём'ёсыз кыктэтй пятилеткалэн нылетй араз поттэм заёмэн вош'ян 1937 аге 1 мартэ быдтэмьн.

1937 арысен 1 мартэ кутскыта 1 сентяброзь выль возыма-тэм заём'ёсыз вош'ян сберкассаосын гинэ луылоз на.

Тыловай районьсэ зяём возысьёс куд-огез туннэ ке но заём'ёссэс өз воштэ на. Тросэздэн заёмзы киязы но сберкассае на хранение сётэмьн.

1 сентябрысен воштытэ заём'ёс земен уз лыд'яське нй, яке силазэ эштэ.

25 мае Москваын кыкетй пятилеткае нылетй араз поттэм заёмлэн нырысетйез тиражез луоз, нош воштытэ облигациос со тиражын участвовать уз каре но выиграть карыны но уз быгатэ.

Соин ик заём возысьёслы, кудыз заёмзэ өз на ке вошты, 20 мае воштыны быгатозы, Филимонов

Милемлы иворто

Четкер сельсоветысь „13 октябрь“ колхозын детясли усьтэмьн. Детяслин Каравалева Екатерина но Перовошикова Парасковья ужало. Татын ужас'ёс яслиньс пинал'ёслэсь сионзэс тус-тас каро, отысь продуктоосты гуртазы нуо, яке яслие семьязэс вайыса судо. Озы ик колхозлэн кладовщи-кез но детяслидэн сион коонэз котырын берганы яратэ.

„13 октябрь“ колхоз тулыс кизёнлы урод дасяськыса пуми-таз. Колхозлэн председателэз Шкляев Михаил фуражез жикыт азён сярэнь өз ик малпа. Пудо сионэз куд-ог колхозник'ёс тус-тас каризы, нош Шкляев ноқыче чурьт уждрад өз кучты. Шкляев вань колхозник'ёс понна уг сьлмаськы, со ас родняоссэгес яратэ. Сыче тырмытэ ужзэ Шкляевлы одно ик быдтоно.

В—Четкер сельсоветысь „Планета“ колхоз тулыс ю кизён ужен бере кыде. Колхоз правлени кизён кутскем бере „муз'ем кот на шуся дырзэс ортчытэ. Тйни со ва-мен, кизёнэз куашка-тйа. Гырысьёс гырон норма-зэс уг быдэс'яло, ужаны бер-пото, Гумеников.

Уйвай сельсоветын ужас'ёс государственной коньдонэз тус-тас каро. Сельсоветлэн секретарез Евдокимов 700 манет расстрата лэсьтэм счёто-водлэн расстратазэс 300 манет лыд'яське. Ревизионной комиссия сельсоветлэсь коньдон ужзэ 8 толэзэ өз эскерылы. Райфолэн инструктор'ёсыз сельсоветге ичи вуыло, конь-дон ужен уг кивалто.

Иванов.

В—Четкер сельсоветысь „Путиловец“ колхозын тулыс ю кизён азель вал'ёссэс өз дасялэ. Конюх'ёс вал'ёсыз урод сюдизы Соин сэрэн али гырыны вал'ёс уг чидало. Колхозлэн председателэз Галичанин „вал'ёсын мар карод на, трактор гыроз“ шуся сунпылтыз. Со вамен ик гырон, кизён уж куашкан дыре вуэ-мын. Сунцов.

Колхоз'ёсын благоустройство

Уйвай сельсоветысь „Новая школа“, „Кирово“ но „Красный путь“ колхоз'ёсын ульчаейзы тротуар лэсьтыны кутскизы. Соин Чош ик сад мерттон но организовать кареман луоз. Колхоз'ёсын культура будэ, колхозник'ёс культурно уло. Иванов.

Пудолы зегудэз судо

Уйвай сельсоветысь „Красная“ колхозын парсьёс, ыж'ёс зегудэз сию. Озы но колхозлэн председателэз Перовошиков ноқыче уждрад уг кучты. Та колхозын ик парсьёс турнан возез бугырто. Таче но-кытчы ярантэм уж быдтэмьн луыны кулэ.

Перовошиков.

Отв. редактор Н. Хохрянов